



Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Candido Lectori.

urn:nbn:de:hbz:466:1-38621

CANDIDO LECTORI.



Scribentem de raptu D. Pauli ad felicissimam divinæ essentiae visionem, rapuit divinum Numen THOMAM nostrum, ex hac mortalium in viventium regionem, & ut piè credere, sperareque licet, attentis tanti viri eximiis meritis, præclarisq; virtutibus, ad beatificam quoque sui visionem. Non permisit hic raptus, ut inchoata in *quæstion. CLXXI. & quatuor subsequentes secundæ, secundæ. D. Thomæ* Commentaria, in quibus de *Prophetia, Raptu & ecstasi, sive de visionibus, locutionibus, revelationibusque divinis*, duobus integris Tomis, ut *supra pag. 367.* vidimus, copiosius agere proposuerat atque ceperat, absolvere valuerit. Promiserat quoq; sacris Eremitis nostris deserti sancti IOSEPH, vulgo *Batueces* nuncupati, & in Castella veteri siti, uti constat ex Epistola Dedicatoria, *supra pag. 198.* exhibita, qua ipsi *libros quatuor de divina, seu à DEO infusa oratione* obtulit, volumen integrum de *variis perceptionum mentalium affectibus, divinisque illustrationibus*; at ob multiplices gravissimasque in promotione Religionis suæ occurrentes occupationes, tandemque accedente in sperato ejus decessu, huic etiam pollicitationi suæ satisfacere minime valuit.

Verùm quod THOMÆ nostro præstare non licuit, quidam doctrinæ spiritusque ejus Affecula gemino præstitit volumine; in quibus de his rebus mysticis, divinisque solidè ubertimque differit: quorum primum inscriptum: *Catena mystica Carmelitana.* &c. typis prodiit Matrini AN. 1678. è doctrina S. DIONYSII Areopagitæ, THOMÆ Aquinatis, Doctoris Angelici, Seraphicæ Matris TERESIAE, ac beatissimi P. IOANNIS à Cruce, atque aliis 28. Scriptoribus mysticis & asceticis sui Ordinis præcipuè confectum.

Alterum, cui titulus, *Enucleatio mystica Theologiae S. DIONYSII Areopagitæ*, quod singulari divinæ providentiæ dispositione ad manus meas pervenit, in calce hujus secundi Tomi adjicere placuit, tum, ut curioso Lectori, harum divinarum sublimiumque materiarum pleniorē notitiā ambienti satisfiat; tum ne forsan, defuncto jam Authore, hic tam insignis partus ejus, quod non raro evenire solet, intereat.